

**PEMBERITAHUAN PERTANYAAN BUKAN LISAN DEWAN RAKYAT  
MESYUARAT PERTAMA, PENGGAL KEDUA  
PARLIMEN KEEMPAT BELAS**

---

**PERTANYAAN : BUKAN LISAN**  
**DARIPADA : DATO' HAJI JALALUDDIN BIN HAJI  
ALIAS [ JELEBU ]**

**SOALAN NO. 208**

**Dato' Haji Jalaluddin bin Haji Alias [ Jelebu ]** minta **MENTERI PENDIDIKAN** menyatakan melalui Sistem Kajian Pengesahan Graduan yang ada pada ketika ini, berapakah peratusan kadar graduan yang menganggur selepas tamat pengajian dan berapakah tempoh masa seorang graduan akan mendapat pekerjaan selepas tamat pengajian.

**JAWAPAN**

Untuk makluman Ahli Yang Berhormat,

Berdasarkan Kajian Pengesahan Graduan yang dijalankan oleh Kementerian Pendidikan Malaysia, pada tahun 2018 seramai 57,411 orang atau 19.8 peratus graduan belum bekerja. Kadar ini telah menurun berbanding tahun 2017 yang menunjukkan seramai 53,373 orang atau 20.9 peratus dan tahun 2016 seramai 54,103 orang atau 22.7 peratus belum bekerja.

Pada tahun 2018, seramai 170,226 orang graduan telah mendapat pekerjaan pada tahun konvokesyen. Daripada jumlah tersebut 27.2 peratus graduan mendapat pekerjaan dalam tempoh 0 hingga 3 bulan, 31.6 peratus dalam tempoh 4 hingga 6 bulan, manakala 41.1 peratus mendapat pekerjaan dalam tempoh melebihi 6 bulan selepas tamat pengajian.